

### 3. Administración do Parlamento de Galicia

#### 3.2. Recursos humanos

#### **Resolución do día 21 de marzo de 2018, do tribunal designado no proceso selectivo para a provisión dunha praza de uxier en réxime interino reservada para ser cuberta por persoas que acrediten algunha discapacidade intelectual, convocada por acordo do 24 de xullo de 2017 da Mesa do Parlamento de Galicia (DOG 158, do 22.08.2017) pola que se dá publicidade a diversos acordos**

En sesión que tivo lugar o 21 de marzo de 2018, o tribunal nomeado por Resolución da Presidencia do 22 de xaneiro de 2018 (BOPG número 249, do 30 de xaneiro de 2018) para cualificar o proceso selectivo para a provisión dunha praza de uxier en réxime interino reservada para ser cuberta por persoas que acrediten algunha discapacidade intelectual, adoptou os seguintes acordos:

Primeiro. Realizar os trámites para a publicación das puntuacións obtidas polas persoas aspirantes presentadas ao primeiro exercicio do proceso selectivo no lugar onde se realizou o exercicio e no portal web do Parlamento de Galicia.

Segundo. De conformidade co disposto na base 2.1.1 da convocatoria, superaron o primeiro exercicio as persoas aspirantes que obtiveron unha puntuación mínima de 40 puntos, fixándose en 23 (vinte e tres) o número de respostas correctas para acadar a devandita puntuación

Terceiro. De acordo co disposto na base 2.2.7 da convocatoria, concédese un prazo de 10 (dez) días hábiles para afectos de alegacións en relación coas puntuacións obtidas polas persoas aspirantes, contados desde a publicación desta resolución no *Boletín Oficial do Parlamento de Galicia*.


Cuarto. As persoas que superaron o primeiro exercicio disporán, segundo o disposto na base 2.1.2 da convocatoria, dun prazo de 10 (dez) días hábiles, contados desde o seguinte ao da publicación desta resolución no *Boletín Oficial do Parlamento de Galicia*, para presentar a documentación xustificativa (orixinais ou fotocopias compulsadas) de estar en posesión do CELGA 2 ou o equivalente debidamente homologado polo órgano competente en materia de política lingüística da Xunta de Galicia, de acordo coa disposición adicional 2ª da Orde do 16 de xullo de 2007 pola que se regulan os certificados acreditativos dos niveis de coñecemento da lingua galega (DOG núm. 146, do 30 de xullo).

A devandita documentación deberán presentala antes do remate do prazo fixado no Rexistro Xeral do Parlamento de Galicia, rúa do Hórreo, Santiago de Compostela, nas oficinas de correos ou nos demais lugares previstos no art. 16 da Lei 39/2015, do 1 de outubro, do procedemento administrativo común das administracións públicas.

No suposto de que non se presente no Rexistro da Cámara, deberá enviarse, dentro do prazo de presentación, unha copia da documentación remitida por correo electrónico ([servizo.persoal.ri@parlamentodegalicia.gal](mailto:servizo.persoal.ri@parlamentodegalicia.gal)), detallando o medio utilizado de presentación.

Quinto. De acordo co disposto na base 3.13 da convocatoria, contra esta resolución poderase interpor recurso de alzada ante a Mesa do Parlamento de Galicia nos termos previstos nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela 21 de marzo de 2018  
Xosé Antón Sarmiento Méndez  
Presidente do tribunal



PARLAMENTO  
DE GALICIA

BOLETÍN OFICIAL DO  
**PARLAMENTO DE GALICIA**

---

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Tel. 981 55 13 00. Fax. 981 55 14 25

Dep. Leg. C-155-1982. ISSN 1133-2727